



**Claudii Fleurii Abbatis Historia Ecclesiastica**

Ab anno Christi 1549. usque ad annum 1551 - ... Atque Tabulis  
Chronologicis Ab Anno Christi 1000 Usque Ad 1595 ...

**Fleury, Claude**

**August. Vind. [u.a.], 1770**

**VD18 90118537**

§. 32. Modus initiandi Episcopos & Presbyteros.

---

[urn:nbn:de:hbz:466:1-66584](#)

assentiri vellet, in carcerem conjectus Sæcul XVI,  
fuit, eoquod rituale novum de initian- A.C. 1550.  
dis Episcopis, ac Sacerdotibus appro-  
bare, constanter recusasset.

### §. XXXII.

#### *Modus initiandi Episcopos, & Presbyteros.*

**N**ova hæc forma latine conscripta nil nisi manuum impositionem completebatur, quin ulla fieret mentio de unctione, sacris vestibus, instrumentorum traditione, aut de potestate offerendi Deo Sacrificium pro vivis, atque defunctis. Percipiamus vero, quisnam ritus pro inaugurandis Sacerdotibus fuerit præscriptus. Præprimis præmittitur eadem adhortatio, quæ pro S. Diaconatus Ordine designatur, dein ad hanc sequitur Cœnæ administratio, & postea legitur epistola ex capite vigesimo Attuum Apostolorum a decimo septimo usque ad trigesimum sextum versum, si vero eadem die Diaconi simul, & Sacerdotes initiandi sunt, tunc totum caput tertium epistolæ primæ ad Timotheum recitatur, cui etiam adjunguntur ultima verba ex postremo capite D. Matthæi, vel caput decimum S. Joannis a primo versu usque ad decimum septimum, aut denique vigesimum ca-

M 3 put



Sæcul. XVI. put ejusdem S. Evangelistæ a versu de-  
A. C 1550. cimo nono usque ad vigesimum quartum. His ita præelectis recitatur, vel decantatur Hymnus de S. Spiritu: *Veni Creator Spiritus &c.* quo absoluto Archidiaconus initiandos Episcopo sistit, dicens: „Reverende Pater in Christo! „ exhibeo tibi omnes, qui hic præsentes adsunt, ut ad S. Presbyteratus Ordinem admittantur. „ Postmodum interrogati respondent, Episcopus vero facie ad populum versa inquit: „ Di- „ lectissimi Fratres mei! ecce illos, „ quos per Dei voluntatem ad sacrum „ Presbyteratus ministerium admittere decrevimus, cum post maturum examen nihil in eis deprehenderimus, „ quod illos hujus munieris indignos redderet, unde speramus, quod legitime vocati sint: si vero ex vobis quisquam in illis grave quoddam crimen, aut legitimum impedimentum, propter quod a tam sancto Ministerio arcendi essent, sibi notum haberet, statim pro Deo, & propter Deum illud libere manifestet. „ Hac investigatione facta juxta novum ritum recitantur Litaniæ, ac Episcopus quamdam preicationem supra initiandos effundit, ac demum ab eisdem juramentum de supra Regis potestate tam in sacris, quam in profanis exigit, quo præstito prolixia

lixa sequitur oratio, seu potius discursus, in quo illis sui muneric officium, ac juramentum hoc adimplendi necessitas exponitur.

### §. XXXIII.

#### *Interrogationes ab Episcopo Presbyteris factæ, eorumque responsa.*

Absoluta hac oratione Episcopus quædam ab initiandis interrogat, cui & illi respondent. Præprimis scicitatur Episcopus: „Anne tibi plene persuasum habes, quod juxta voluntatem Dei, ac Christi Domini, necnon secundum legitimam hujus Regni Constitutionem ad Sacerdotium vocatus sis? „ Respondet initiandus: „Ita, de hoc persuasus sum: *Episcopus*. Credisne, quod omnis doctrina Christiana ad salutem æternam per fidem in Christum necessaria sufficienter continetur in S. Literis? Erisne etiam sollicitus, ut populus tuæ curæ commissus hisce veritatibus imbuatur, easque edoceatur, adeo, ut nil omittas eorum, quæ necessaria sunt ad salutem, atque ex ipsius sacri Codicis testimonio comprobari possunt: *Initiandus*. Ita, hoc credo, illudque cum adjutorio divinæ gratiæ adimplere paratus sum. *Episcopus*. Num

M 4 „ etiam

